



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

15 Mars 2019

07 Rajab 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

LE TERRORISME « ISLAMIQUE »

Azordi, le terrorisme ki dimounes réfère couma « terrorisme islamique » fine prend ene l'ampleur terrible. Ena ki oulé seulement manifester zot la haine ki zot fine contenir au plus profond de zot-mêmes pour tout saki concerne l'islam. Azordi jours, bane pays occidental, à travers zot bane médias, bane la presse écrit et aussi orale et visuel (ki li radio et télévision) pas arrête cause de façon offensant lors saki zot qualifier de terrorisme « islamique » ki pé faire ravage actuellement dans le monde. Pas ena ene jour ki passer sans ki sa acte ki zot qualifier de terrorisme « islamique » pas publier dans premier page de bane journals ou ki zot cause lor sa sujet là dans quelques-z'un de sa bane médias là. Et alors kan zot fer sa, sa suscite bane débats constant à l'intérieur même de la communauté islamique et ailleurs lor la question de sa terrorisme ki zot qualifier de « islamique », et si vraitême bizin appelle li coumsa. Kan sa bane médias là et bane les autres dimounes cause ou publier sa dans ene façon globale et kot zot, zot pé passe zot pou bon tandis ki c'est l'islam ki prône le terrorisme, alors, kan zot pé faire sa, pas ena aucaine doute ki à travers sa, zot nek envie vomi zot la haine pou tout saki concerne l'islam et zot oulé

discréditer sa la foi là dans lizié de bane ki pas musulmans, bane ki pas fine accepter l'islam.

Ziska azordi, pas mal de conférences, de débats et de réunions fine organisé au niveau mondiale afin ki le bon sens prend le dessus entre sa bane qualités dimounes là ki détester l'islam et envie mette tous bane mals lors lédos l'islam. Mais dans sa bane dialogues de sourdes là, pas ena ene seule lueur d'espoir, de paix, d'amour et de tolérance ki pointer à l'horizon – bane ki dénonce l'islam comme ene la religion méprisable contigner sans cesse, couma dire zot fine gagne ene permis illimité pou vomi zot la haine et mette la haine dans les cœurs bane dimounes contre l'islam et zot ena vision pou fer ene dernier croisade (la guerre) afin pou fini bane musulmans azordi jours.

Longtemps dans l'époque de bane croisade ki bane chrétiens ti pé fer contre bane musulmans, zot ti pé qualifier bane musulmans couma bane « Sarassins ». Azordi jour, dans ene façon bien calculer, zot pé fer tout zot possible pou présente l'islam comme ene la religion de terrorisme, et non pas ene la religion de paix. Sakaine pé faire so projet pou exterminer l'islam dans so façon. Zot envie fini bane musulmans azordi jours et mette nous au pied du mur ! De l'autre coté bane ki tenir tête et ki pas pé céder, ki zot fine trouver comme solution zot ? Zot pé causer avec bane z'armes. Dans tout sa bane agitations là, li bien important pou conner saki le Jamaat Ul Sahih Al Islam penser à l'égard de sa terrorisme ki sa bane dimounes là qualifier de « islamique », et ki zot fine apendant dans nous licou ene sel coup, du jour au lendemain.

C'est quoi le terrorisme « islamique », mo demande moi ! Relation entre l'islam et le terrorisme li couma lizour et la nuit, la vie et la mort ou la paix et la guerre. Naturellement ki zot croiser l'un et l'autre mais dans bane directions ki diamétralement opposé. Nous trouve zot accrocher l'un à l'autre mais jamais zot fer la route ensemble avec contentement du cœur, main dans la main. Cependant nous pas capave nier ki de temps en temps, bane musulmans trouve zot impliqué dans bane activités terroristes au nom d'ene groupe ou d'ene pays kot ena beaucoup musulmans. Mais mo demande zot la question. Eski bane les autres groupes pas exister également, ki pas musulmans et ki impliquer dans le terrorisme et dans bane attentats et coups d'états à travers

le monde, et kot sa bane dimounes là fer plans lor plans pou touye des milliers de bane dimounes ?

Supposons ki nous servi même principe ki sa bane dimounes ki lié terrorisme avec l'islam en qualifiant sa de « terrorisme islamique », kot zot même zot fine invente sa terme là, eski alors li pas pou juste pou qualifier tous bane terrorisme lor base de bane la foi si arriver bane groupes là zot hindous, chrétiens, juifs etc., eski li pas pou juste pou nous pou qualifier sa bane terrorisme là de : terrorisme sikh, terrorisme hindou, terrorisme chrétien, terrorisme juif, terrorisme athée, terrorisme bouddhiste, terrorisme animiste et le terrorisme païen ?

Li pas facile pou ferme lizié lors bane différents formes de terrorisme ki malheureusement pé pousser dans quatre coins du monde ; li impossible en fait pou ene observateur pou pas être au courant de bane persécutions, fanne di sang et bane meurtres ki perpétré au nom d'ene prétendu idéal ou d'ene noble cause. Le terrorisme li ene problème mondiale ki demande pou être étudié dans tous so bane ti détails, et dans so bane pli grands l'aspects.

À moins ki nous comprend bien bane la forces ki pé opérer derrière la violence, nous pou incapable pou arrive à ene conclusion kifaire quelques groupes et l'états musulmans pé tourne vers le terrorisme afin pou atteindre certains objectifs. Mo complètement convaincu ki presque tous bane formes de violences communales ki nous trouver dans le monde aujourd'hui – quelle que soit la nature (ou forme) ki zot présenter ou quelque soit le lieu kot zot manifester zot – zot essentiellement de caractère politique. C'est bane politiciens avec zot soif de pouvoir, pour bane intérêts politiques internes ou externes ki divise bane dimounes et bane communautés et la foi et mette la guerre entre zot pou zot reste diviser et quand zot fer sa, zot penser ki zot pou capave facilement contrôle la masse, et choisir couma pou fini ene la foi ou ene groupe dimoune facilement, sans problème.

Anou prend comme l'exemple terrorisme ki provoqué par le racisme – eski li pas essentiellement de nature politique après tous bane analyses ki fine faire ? Ena bane les autres tipti manifestations de terrorisme ki né de la religion et de la haine contre bane systèmes sociaux, et bane cultures prévalant, et zot

généralement considéré comme bane actes de bane anarchistes (bane ki révolter contre le gouvernement ki au pouvoir) ou bane fous. Ena ene type de terrorisme spécial ki ena ene lien avec la lutte de la mafia pour gagne le pouvoir absolu. Sa genre de terrorisme là li provoquer et dirigé par certaines groupes contre bane les autres groupes à l'intérieur même de sa organisation là. Sa terrorisme là clairement li rien d'autre ki ene la lutte pour le pouvoir et li de nature politique. Kan nous examine le soi-disant « terrorisme islamique », nous découvert ki ena bane la forces politiques ki pé comploter et masquer derrière ene façade religieux. Soi-disant c'est bane groupes religieux ki pé provoque sa, tandis ki en réalité c'est bane ki au pouvoir même ki pé dirige sa. Bien souvent bane vrai manipulations et bane exploiters là zot même pas musulmans, et ki sanlà ki gagne sa mauvais titre là, c'est l'islam, c'est bane musulmans.

L'attaque suicide du Jeudi 14 Février 2019 contre ene convoi militaire indien dans Pulwama dans Cachemire fine fer revivre bane tensions entre l'Inde et Pakistan. Sa l'attaque là fine provoque la mort de 41 soldats indiens. Delhi fine multiplier bane initiatives diplomatiques pour isole so voisin Pakistanais, tout en préparant ene riposte militaire. Le Premier Ministre Indien, Narendra Modi, fine sans cesse faire référence à saki fine vine, dans le pays, ene tragédie nationale. Li fine déclaré dimanche 18 Février 2019 : « *Sa difé ki fine accapare ou lé cœur là, fine accapare mo lé cœur aussi.* » Sa déclaration là fine faire à ene la foule réunie pour ene meeting politique, peu de temps après ki li affirmé ki « *di sang de l'Inde pé bouilli.* »

La fureur fine empare bane réseaux sociaux et plusieurs chaînes de télévision, proches du pouvoir (gouvernement indien) fine appelle à la vengeance. Pour le Premier Ministre Indien, le moment li critique : zamaïs ene l'attaque fine soulève autant l'émotion dans le pays depuis l'attentat terroriste de Bombay (*Mumbai*) ki ti faire 174 morts en Novembre 2008. Le moment li aussi crucial pou so l'avenir politique à seulement quelques semaines de bane élections ki prévues en avril et en mai. Tous les deux pays fine faire rappelle zot bane ambassadeurs (dans zot pays) respectifs pour gagne bane consultations. Delhi fine accuse Pakistan pou abrite et soutenir le groupe islamiste *Jaish-e-Mohammad* (JeM), ki fine revendique l'attaque du 14 Février 2019, et ki zot (Pakistan) fine servi de sa groupe là (par procuration) dans so la guerre contre

l'Inde. Le Premier Ministre Pakistanais, Imran Khan fine dire ki li prêt pou coopérer avec l'Inde au sujet de sa attentat là, mais li fine promette ki li pou « riposter » si so pays attaqué par l'Inde. Bane enquêteurs pas conner vraiment si sa 350Kgs explosifs ki ti ena dans sa véhicule piégé là vine de Pakistan ou non.

Moi, d'après saki mo fine lire et compran, c'est ki Pakistan et l'Inde fine toujours ena ene différend (désaccord) concernant Cachemire. Donc, sak incident ki produire lor le territoire de Cachemire ki occupé par l'Inde li alle lor lédos, lor compte de bane agissements de Pakistan. Donc, comme-ci dirait Pakistan vine ene bouc émissaire par mauvais gestion de l'Inde concernant territoire de Cachemire ki occupé par zot. Mo point de vue c'est ki l'Inde li pé prend Pakistan comme cible. Li pas réellement intéressé pou résoudre bane conflits et oulé mette lor lédos Pakistan tout saki pé passer dans le territoire occupé de Cachemire. Le gouvernement indien attribuer tout saki pé passe dans Cachemire (ki occuper par zot) à bane la forces extérieurs.

Pour moi, le conflit actuel entre sa deux pays là ti capave être évité, si l'Inde ti prend le temps pou collecter tous bane preuves après l'attaque de Pulwama. Le gouvernement indien ti pou capave être en mesure pou démontrer à so peuple et au monde entier ki sa ti le travail d'ene groupe de dimounes à la frontière ki travaille avec bane ki fine perpétrer sa l'attaque là. Et li ti pou capave également démontrer ki c'est pas bane Pakistanais mais bel et bien bane indiens même ki derrière sa. D'ailleurs, ene de bane auteurs de l'attaque ti faire ene vidéo avant ki sa ti lancer. D'après saki mo fine lire et après ki mo fine bien étudié sa z'affaire là, nous capave alle conner ki sanlà sa bane dimounes là. L'Inde pé dire ki li pas ena aucaine lien avec zot, mais ki le gouvernement indien vine prouve sa !

Nous pas d'accord ki après sa l'attaque là, l'Inde fine préfère agir de façon irréfléchie (sans réfléchi) en envoyant deux avions de chasse dans le territoire Pakistanais. Saki mo fine apprane, jamais auparavant fine ena ene tel manifestation pareil.

Saki mo oulé – d'ailleurs c'est saki tout bane ki content la paix oulé – c'est ki l'Inde et Pakistan trouve ene compromis et vive en paix, sakaine en respectant

bane droits et bane territoires de sakaine so camarades. Ene gouvernement pas capave être blâmer pour la folie et bane mauvais agissements d'ene dimoune ou d'ene groupe de dimounes. Donc, pour évite ene conflit Inde-Pakistan, mo souhaiter ki zot rétablir entre zot ene relation cordiale.

Kan ou étudié, ou pou trouver ki Pakistan et l'Inde zot presque au même niveau lor le plan du développement économique. Tous les deux pays zot faire également beaucoup zefforts afin pou amélioire bane infrastructures ainsi ki la qualité de vie de zot bane habitants. C'est le point commun entre sa deux pays là. Donc, li normal ki bane conflits existants ena ene l'effet néfaste (ene bien mauvais l'effet) lor le progrès.

Personnellement, en tant ki Khalifatullah, mo bizin juge la situation de façon juste. Si la situation fine arrive à sa stade là, c'est à cause Premier Ministre indien, Narendra Modi. Nous pas capave blâme bane les autres dimounes et les autres pays.

Quant à Pakistan, le Premier Ministre Pakistanais, Imran Khan bizin comprend aussi le problème ki ena dans Pakistan. Bizin ena la liberté pou bane dimounes pou choisir zot la foi. La foi pas capave être forcer lor quelqu'un, et zot tout ena le droit pou pratique so la foi dans la paix, la tolérance et la liberté. Faudé pas ena bane lobby tels couma bane Mullahs ki créer désordre dans le pays et déclare les autres groupes musulmans comme non-musulmans.

Nous pas ena le droit pou juge la foi d'ene dimoune. Sa privilège là appartenir zis à Allah (Dieu Tout-Puissant). Depuis 1974, zot fine passe bane la lois pour déclarer ki bane musulmans Ahmadis pas bane musulmans. Zot fine dépasse bane limites du *Shariah* en établissant ene la loi ki alle contre le libre arbitre et zot fine ozé juge les autres musulmans quand sa bane là fine depuis des années et des années crié haut et fort ki zot bel et bien bane musulmans, et ki zot croire fermement dans le *Shahada* islamique : **Laa Ilaaha Illallah Muhammadur Rassoolullah.**

Pakistan ti formé avec la participation active de bane musulmans Ahmadis, et après la création du Pakistan, l'état et so bane dimounes fine faire beaucoup *zulum*, beaucoup mauvais traitements ki anti-islamiques aussi contre sa bane

là. Et zot fine retrouve zot dépourvu de zot bane droits pou pratique l'islam, et de vivre zot la vie en paix. Allah Li ni aveugle, ni sourd. Li entende certainement bane pleurs et bane supplications de So bane serviteurs sincères, que ce soit zot Sunnis ou Ahmadis ou bane les autres sectes musulmans. Si Pakistan pas pé jouir d'ene la paix azordi c'est à cause de bane injustices ki li fine perpétre contre so propre peuple, en particulier contre bane musulmans Ahmadis et bane minorités musulmans de bane les autres groupes de l'islam. Sakaine ena so place dans sa le monde là. Si ene kikaine dépasse bane limites de saki permette dans l'islam, c'est Allah ki pou puni li, c'est pas à l'homme pou faire sa, parski l'homme pas fine recevoir permission depuis Allah pou juge la foi de bane dimounes.

Ô Pakistan, si bane musulmans Ahmadis pas bane musulmans couma zot, zot pé déclarer, alors, laisse zot tranquille. Laisse Allah faire So travail. Allah conne bien ki pou faire avec zot. C'est pourquoi aussi Li fine élève so Khalifatullah dans sa siècle là, à la tête d'ene Jamaat ki approuvé par Li pour faire revivre bane l'enseignements de l'islam, et pou redonne ene chance à tout dimounes – même zot ! – afin ki zot réforme zot-même et répare bane erreurs ki ti arriver dans le passé. Pas perdi les temps. Redonne à bane musulmans Ahmadis zot bane droits, ki li civiles et islamiques, le droit pou pratique l'islam en toute tranquillité. Si ou peuple li en paix, et ki Allah content ou, alors, Allah pou ouvert pou ou la porte du salut, et pou accorde ou ene la paix extraordinaire, et alors la décision d'Allah pou finaliser en faveur de l'unité et de l'harmonie, entre ou et l'Inde et le reste du monde. Traite bien ou bane habitants, faire bien ou politique et pas mêle ou de la foi de bane dimounes parski ou pas ene l'état islamique. Si ou ti vraiment ene l'état islamique couma ou déclarer, ou ti pou gouverne le pays couma nous bien-aimé prophète Hazrat Muhammad (saws) ti gouverne l'Arabie, sans aucaine contrainte envers quique ce soit. So politique ti ene vrai politique. So gouvernance lor le pays (l'Arabie) ti ene vrai gouvernance. Sakaine ti ena le droit pou pratique so la foi.

Maintenant, malheureusement, c'est avec zot bane frères, sœurs et zenfants musulmans ki zot pé la guerre. Sa li certainement pas juste ! Allah pas approuve ene la terre, ene pays kot l'injustice régner. Alors, réveille zot avant ki li trop tard pour zot ! Modi oulé faire de l'Inde ene pays tout à fait Hindou. Couma eski ou pou ressenti si nous bane frères et sœurs musulmans ena pou

subir bane pires répercussions à cause de zot la foi. Guetter zordi : Nous l'islam fine être qualifié comme terrorisme ! Rappelle bien saki nous bane frères, sœurs et zenfants de la Palestine, ou mêmes bane musulmans *Royingyas* de nos jours fine bizin subir. Sa c'est nek quelques exemples. Ena beaucoup les autres encore !

Ô bane musulmans ! Léver, arrête dormi ! Casse zot sommeil ene fois pour toute ! Fine arrive l'heure ki nous uni pour l'amour d'Allah et du Saint Prophète Muhammad (saws). Re-saizi zot et abandonne tous bane pratiques non-islamiques. Pratique la justice, et ou pou trouve Allah avec ou. Li pou soutenir ou dans tous ou bane actions licites. Kan ou faire face à ene injustice, c'est bien Li ki vine à ou secours, mais faudé zot bien sincère dans l'islam. L'**ISLAM** li nous religion, et c'est l'islam ki donne nous vraie la vie. Réforme-zot avant ki li trop tard. Sinon, beaucoup di sang pou fanner et pou ena beaucoup la guerres, et bane pertes de vies en grands nombres. Sécurise zot la vies en Allah, en zot confiance en Li, et en étant justes, loyal et sincères envers zot bane frères et sœurs musulmans. Pas juge zot la foi. Et zot bizin bons et gentils, zot bizin bienveillants envers bane dimounes de bane les autres la foi/ religion aussi, parski la bonté et la pitié faire parti de l'humanité avec quoi Allah fine créer nous. Alors, gagne pitié envers les autres afin ki Allah gagne pitié de ou ! Combattre le terrorisme et aide les autres pou combatte sa parski le terrorisme pas conne ni la foi, ni la loi ! Li détruire tout lor so passage.

Ki Allah aide nous pou reconstruire l'islam, ene islam ki juste à tous bane niveaux, ene islam kot li bon pou vivre. Ene islam tolérant et proche de nous les cœurs pour toujours. *Insha-Allah, Ameen*. Ki Allah aide nous pou combattre toute forme de terrorisme, et pou protège l'honneur et le nom de l'islam contre tous bane accusations fausses et calomnieux (malveillant et rempli de bane blâmes). *Insha-Allah, Ameen*.